



تمرة رمضان - العدد رقم 22

يحررها خالد غنام أبو عدنان - استراليا

### موائد الرحمن الرمضانية في فلسطين



رباط ومسجد علاء الدين البصير

يقع بالقرب من باب الناظر (المجلس)، وهو أقدم رباطات القدس وينسب إلى الأمير علاء الدين أيدغدي، المعروف بـ"البصير"، والذي أنشاه في العام 666هـ/ 1268م حسب ما يدل عليه نقش التأسيس الذي يعلو مدخله. وفي العصر العثماني أصبح كثير من الرُبط ملاجئ للفقراء، نساء ورجالا، يقدم لهم فيها الطعام وتصرف المساعدات المختلفة.

### من الكنايات الشعبية

- 1- غرق بشبر مي: أي أنه ارتبك وقلة حيلته واستسلمه بهزيمته.
- 2- غصب عني: أي أخذ منه قسراً وبدون رضاه.
- 3- غير الجؤ: أي قام بتغيير الحديث في المجلس إلى موضوع الُطف وأقل حدة.
- 4- فاتح صدره: أي جاء مستعداً للمشاجرة ويتوقع الفوز بها.



## حكاوي الشاطر حسن : تأليف خالد غنم أبوعدنان : الشاطر حسن والبنيش الطيار

كان يا مكان في قديم الزمان، في مختار اسمه أبو علي عنده سبع أولاد وأصغرهم اسمه الشاطر حسن، وكان المختار أمين كثير مع الناس راضيته وراضيتهم، ما كان يظلم حدا، حتى إنه الناس من البلاد البعيدة كانوا يبيجوا عنده تا يساعدهم وهو كان إمعلي باب داره حتى إنه الجمل بفت على حوشه، وكانت مضافته مثل النكية بتلم الفقير والدرويش، وكمان الضيف إللي جاي من بعيد. وهذا الحكي بنفع مع الناس الأوامم بس قليلين المروة ما بعجبك الامنيح، وكان جابر مختار القرية إللي جنبهم ما بحب يسمع سيرة أبو علي، وكان يقول عنه كل قوالة عاطلة ولا عمره ذكر اسمه إلا زفر ذنين القاعدين بمسبات مبندة وكذب على أبو علي مركبة. ومن كثر كيد جابر صار بده يخلص من أبو علي وسيرته، وبلش يلتم حوليه الزعران والعواطلية ويعطيهم تا يرضيهم بشرط إنهم ينكشوا قرية أبو علي بالنهب والتخوف، وصاروا يطيحوا على الفلاحين بالبيدر يضربوهم ويسرقوا زواتهم، والناس تحكي شغلة مش حرزانة كلهن كم رغيف كماج وشوية جبنة وزيت وزعتر وكم فحل بصل، بعد كم يوم صاروا الزعران يلبدوا فوق راس العين، ولما البنات الواردات يعين جرارهن ويستروجن، يضربوا الزعران صرار بنقاياتهم على الجرار إللي على روس البنات تا تهر المية كلها منهن، ولما عرف أبو علي باللي بصير بالقرية زاد على رجاله من إلام القرية ونشر النواطير بكل المطارح وبعث عيونه تفتش عن إللي وازر الزعران عليه وعلى أهل قريته.

فش كم يوم وإلا عرف إنه جابر ورا هذه الخرابيط، ما هو أذى بلا مكسب ما برضي حتى الوحوش الضارية، وهذول الزعران في حدا دافشهم عليه. طلع أبو علي على شيوخ البلاد إللي حوليه ونادى كم مخطوط تا يحكموا بينه وبين جابر، واتفقوا على قعدة عرب يوم الجمعة بعد الظهر، وطلع أبو علي مع ستة من أولاده وكم زلمة وكان معهم هدية عشر خرفان وثلث شواتل رز وشوال سكر وجرة زيت زيتون وصرة جميد، طالعين قاصدين الخير ما معهم سلاح إلا كم سيف يردوا غدر الطريق من ذباية وسباع. بس لما صاروا بالخلا وما ظل من البشر حدا طلعمهم من روس الجبال خمسين أزرع وهمجوا عليهم إجوا بدهم يهنزمووا وإلا لاقوا وراهم كمان خمسين أزرع، ولأنه أبو علي بده الخير قال للزعران خذوا كل إشي وخذونا نروح بطريقنا، بس الزعران نزلوا وربطوا أبو علي وإزلامه وعصبوا عينيهم وسحلوهم على جبال المطاريد، وقطعوا أخبارهم عن كل الناس. بمرجعونا لقعدة العرب إجا جابر وصار يحكي على أبو علي كذب معبى بكذب، والمخاطيط بأستنوا أبو علي يبيجي ويحكي شكواه ويرد على جابر وتفسيره، ولما صارت الدنيا مغربيات خلص وقت القعدة والمشايخ قالوا لجابر وكل الحاضرين إللي شكى ما حضر ولا بعث عذره بمرسال ولا حدا من مارقين الطريق شافوه جاي ولا بنعرف إنه مريض أو منكوب وهيد بتكون شكواه معلقة تا نعاود نعد وإذا ما أعطانا عذر رح نعدّه بالمعقد الضيق ونطالبه يرضي خاطر المشايخ ويراضي جاره المختار جابر.

بعد يومين صار الشاطر حسن ابن المختار أبو علي هو إللي يوزع النواطير ويحمي الفلاحين بالبيدر والبنات الواردات على العين وظلت دار أبو عمرانة، وبعث عيون تفتش عن أبوه تا يعرف مين غريمه بس ما استدل على خبط، صار كل صباح يطلع على الخلا مع شلة الخيالة يتفقدوا أثر لأبوهم بس كانت أرض الخلا مكتوسة وخطواتهم ممسوحة، وصاروا يقولوه يروح على أبو قنيص البصّار ما هو مخاوي الجن والعفاريت بلكي عرف درب أبوه. بس الشاطر حسن كان يحكي إنه أبو قنيص واحد هتيشة وما بصدقه إلا المهويين، وقال إنه بده يشوف خيرى الدرويش، وطلع على الزاوية إللي بنام فيها خيرى وقاله بدي تساعدني، صارت دموع خيرى على خده وهو يقول الله إللي يساعد وأبو علي ما يستاهل إللي كل خير وبكرمه إنا عايشين وهو إللي بصرف على الزاوية، وفتح خيرى صندوق أخضر وطلع منه عباية حرير حمرا شكلها غريب، إردان إيديها وساع كثير وكمها بطلع كمين ونص وإلها خيوط قصب مذهبه من الرقية لتح تحت الركبة، قال خيرى للشاطر حسن هاي البنيش الطيار ما ليسها إلا شيخ الطريقة لما طلع عصر الغيوم بالسنة المحلة وخال الطيور والسباع تشرب بالصحاري، إطلع ماشي على ظهر الجبل الأبيض آخر الليل وقت يكون نجم سهيل ضاوي، وقول "يا إللي رفعت الجبل على السما ارفعني ويا إللي عدلت بين الخلق خليني سيفك المنصور" بعديها إترك روحك للملايكة وهي بتعاونك. أخذ منه البنيش وحط حرس على باب الزاوية وقال لخيرى ما حدا يطلع ولا يدخل تا أرجع عليك بكر.

أخذ الشاطر حسن ربعه لحد ما وصل الجبل الأبيض وخلي فرسه وسيفه عندهم ولبس البنيش وطلع على الجبل بعد ما وصّى إزلامه إنه عيونهم ظلها داير من دار الجبل ما بده حدا يغدره ولما وصل على راس الجبل قال: "يا إللي رفعت الجبل على السما ارفعني ويا إللي عدلت بين الخلق خليني سيفك المنصور" وإلا شاف حاله بطير فوق السما وشاف البنيش بتعبي هوا وبتنفخ وصار حاسس حاله جوات الهوا لحد ما وصل على الغيمة الزرقا، وهناك شاف ضو قوي وما قدر إلا يحط إيده على وجهه قد ما ضو قوي، قاله الضو إيش بدك يا شاطر حسن، رد عليه بدي كل خير أبوي المختار وإخوتي وربنا ضاعوا ومش لاقينهم، فقاله الضو إنه جابر السيب وإنه وازر عليهم الزعران وإنه أبوه محبوبس وكل ربعه بمغارة بجبال المطاريد، وبعديها أعطاه السيف الأزرق وهو مبروم مثل قنوة وإله عشرين نصلة، وزنه وزن الريشة، وقاله بطيح على فرسك وبتظلك لابس البنيش وبتخلي ربعك يرجعوا على بيوتهم وبتطلع لحالك على راس الجبل وقبل ما تصله رح تطير بالسما أنت وفرسك وما رح طيح إلا على باب المغارة وباقي عليك. نزل الشاطر حسن وكان مخنوق من البنيش إللي كان يعصر فيه بس اتحمل تا منه وصل عند ربعه، فقالهم يعاودوا على ديارهم وقالهم إللي قاله الضو الأزرق، وإذا ما رجع بعد ثلث أيام يخلوا خيرى الدرويش مختار عليهم. ركب الشاطر حسن على فرسه وقال: "يا إللي رفعت الجبل على السما ارفعني ويا إللي عدلت بين الخلق خليني سيفك المنصور" وإلا طار فيه البنيش وصار يطلع من السيف الأزرق شرر، ولما وصل على باب المغارة شاف الزعران متجمعين، وصاروا يهجوا عليه وهو يضرب بسيفه عشرة وبعديها يطير بالسما ويرجع عليهم بسهم نار ويضرب بسيفه كمان عشرة وظله هيد لحد ما شرد باقي الزعران وتبعثروا بالوديان، فات الشاطر حسن وفك أبوه وإخوته وربعه وخالهم يمسكوا بإيديهم بعض وهو مسك بإيد أبوه وقال: "يا إللي رفعت الجبل على السما ارفعني ويا إللي عدلت بين الخلق خليني سيفك المنصور" فطار فيهم البنيش وحط فيهم بدارهم، ومن يومها ما عاد جابر ولا غيره من الكايديين يسترجوا يطبوا بأبو علي وأولاده وعاشوا بهنا وسرور.



# صدر حديثا

أيام.. كلام وخطا رحلت

صدر حديثا كتاب لمؤلفه الدكتور خالد جميل مسمار، رئيس اللجنة السياسية في المجلس الوطني الفلسطيني، وعضو المجلس الاستشاري لحركة فتح، ويحتوي الكتاب المصنف كـ "سيرة ذاتية". ويتناول الفصل الاول الاسباب التي أدت بالمؤلف للالتحاق بحركة التحرير الوطني الفلسطيني (فتح)، وقبوله بالدولة الديمقراطية رغم فكره ونشأته الدينية، ليبدأ الكاتب من خلال الفصل الثاني بسرد أحداث حياته ومسيرته التعليمية واختياراته الإعلامية والسياسية من خلال مشاهد ولقطات، كان محورها الأبرز مساهمته في إنشاء إذاعة صوت العاصفة في القاهرة وصنعاء ودرعا وعمان وبيروت التي عانت حصار العام 1982

